



Esed Radeljaš uhapšen zbog pranja novca

Pripadnici **SIPA** jučer ujutro uhapsili su i troje bivših uposlenika Općine Novi Grad

Piše: **JELENA MILANOVIĆ**

Nekada je javnost uveseljavao priznajući kako je stekao fakultetsku diplomu, a eto spremio se za magistarski, potom još i više transparentnim pogađanjem oko cijene vlastitog glasa u skupštinskim klupama, no jučer je država odlučila da djeluje: Esed Radeljaš, koji je svjedobno izbjegao odgovornost pred zakonom zbog (pogrešnog) slova u imenu, uhapšen je ponalogu Kantonalnog suda i Tužiteljstva u Sarajevu. Osim njega, i još troje nekadašnjih uposlenika

Općine Novi Grad Sarajevo: Jasmina Horo, Nedžad Kapetanović i Jusuf Čaušević. U pitanju je, ispostavilo se, famozna preprodaja zemljišta koje je dobio za 51.340 KM, a onda ga - za isto zemljište - Općina, u mandatu Damira Hadžića, obeštetila sa 1.033.500 KM. Sam Radeljaš, nekadašnji poslanik u Kantonu Sarajevo, delegatu Domunaroda FBiH, a onda i ministar u BPK-u, hvalio se imovinom vrednijom od dva miliona maraka. / STR. 7.

Radeljaš je uhapšen zbog preprodaje zemljišta

Uz prvoosumnjičenog, zbog pranja novca **SIPA** je uhapsila i troje bivših uposlenika Općine Novi Grad - Jasminu Horo, Nedžada Kapetanovića i Jusufa Čauševića

JELENA MILANOVIĆ

Pripadnici Državne agencije za istrage i zaštitu BiH (**SIPA**) jučer ujutro uhapsili su Eseda Radeljaša, te troje bivših uposlenika Općine Novi Grad Sarajevo Jasminu Horo, Nedžada Kapetanovića i Jusufa Čauševića.

- Postupajući po naredbama Kantonalnog suda i Kantonalnog tužilaštva Sarajevo, policijski službenici **SIPA**, u saradnji sa policijskim službenicima MUP-a KS-a i MUP-a BPK-a, pretresli su objekte na šest lokacija i slobode lišili četiri lica, zbog postojanja osnova sumnje da su počinila krivična djela zloupotreba položaj ili ovlaštenja u vezi sa krivičnim djelom pranje novca i davanje dara i drugih oblika koristi. Nakon kriminalističke obrade u prostorijama **SIPA**, oni će biti predati nadležnom tužiocu KS-a na dalje postupanje, saopštili su iz **SIPA**.

Dogovor s pravobraniocem

Radnje za koje se terete Radeljaš,

bivši poslanik KS-a i delegatu Domunaroda FBiH, vijećnik Novog Grada, član UO ZZOKS-a, a potom i ministar u Vladi BPK-a, te navedeni trojac, dešavale su se od 2005. do 2010. godine. Tada je Horo bila pomoćnica načelnika Damira Hadžića za imovinskoppravne poslove, Kapetanović opštinski pravobranilac, a Čaušević šef službe za imovinskoppravne poslove. Među jučer pretresenim objektima je i kuća Radeljaša u naselju Nedžarići, uz koju se nalazi i autopraonica. Tek nekoliko metara dalje je sporni plac od 2.067 kvadrata, o kojem su mediji u BiH pisali kao primjeru zarade milion maraka bukvalno preko noći. Na njemu je Radeljaš trebao sagraditi objekat (zemljište je dobio uz naknadu od 51.340 KM), a kako to nije uradio, dobio je poziv iz Općine da bi mu službenici saopštili da gubi pravo na korištenje zemljišta radi građenja, na šta nije imao primjedbu, ali je tražio

da mu se plati naknada u visini tržišne vrijednosti.

Tomu je omogućio član 51. Zakona o građevinskom zemljištu FBiH, u kojem je utvrđeno kako je u slučaju gubitka prava korištenja radi građenja, Općina dužna platiti licu kojem je to pravo prestalo, građevinsku vrijednost nedovršenog objekta, naknadu troškova uređenja i naknadu za zemljište. Tada Radeljaš sa općinskim pravobraniocem Nedžadom Kapetanovićem postize dogovor o visini naknade. Na drugoj raspravi od 16. februara 2010. je dobio ono što je tražio. Radeljaš je odbio prvu ponudu Kapetanovića da mu se za kvadratni metar isplati po 250 KM, da bi pravobranilac tražio da se izvrši vještačenje ovlaštenog sudskog vještaka građevinske struke. Sedam dana kasnije, sudski vještak Kasim Zulum dostavio je nalaz, koji je Kapetanović prihvatio i Radeljašu za 2.067 kvadratnih metara isplatio 1.033.500 KM.

Propala kazna

Zbog prevare građana i krivotvorenja dokumenata, Radeljaš je još davne 2005. na Vrhovnom sudu FBiH pravosnažno osuđen na zatvorsku kaznu od godinu. U zatvor nikad nije otišao, a odluka o upućivanju na izdržavanje zatvorske kazne pala je na tadašnjeg predsjednika Općinskog suda u Sarajevu Gorana Salihovića. Nakon što se Radeljaš nije odazvao ni nakon drugog poziva, ustanovljeno je kako je poziv slat na pogrešno ime - Esadu Radeljašu. U tom slučaju nastupila je zastara.


Horo je danas pomoćnica generalnog direktora JU Dom zdravlja KS-a, a sam direktor Fuad Husić nam juče kaže kako se osumnjičena tereti za stvari iz ranijeg perioda, koje nemaju veze sa ustanovom na čijem je on čelu, te da "svako treba odgo-

varati pred zakonom". U advokatskoj kancelariji Kapetanovića niko se nije javljao.

Iz Tužilaštva KS-a su istakli kako će postupajući tužilac, nakon što sasluša osumnjičene, odlučiti o daljnim mjerama, te da greške u imenu ovaj put sigurno neće biti.

Uz nekretnine u Nedžarićima, Blažuju i na Mojmilu, Radeljaš ima imanje u Ustikolini, a po dolasku u Skupštinu KS-a, hvalio se automobilom od

160.000 KM, tvrdeći za Oslobođenje da njegova imovina vrijedi više od dva miliona maraka



Pretesena kuća uz koju se nalaze vulkanizer i autopraonica / DIDIER TORCHE



Radeljaševo imanje u Ustikolini